

雲南府志

雲南府志卷之二十一

藝文志七

古體詩

晉

述南中志

常璩

赤德中微巨猾干纂白繇乘釁致民塗炭爰迄靈
獻皇極不建牧后失圖英雄迭進覆車齊軌蒙此
艱難

五言古詩

唐

懷贈南陵常贊府

李白

歲星入漢年方朔見明主
謔笑當時人中天謝雲
雨一去麒麟閣遂將朝市乖
故交不過門秋草日
上階當時何特達獨與我心諧
置酒凌高臺歡娛
未曾歇歌勳白紵詞舞迴
天門月問我心中事爲
君前致辭君看我才能何似魯仲尼
大聖猶不遇
小儒安足悲雲南五月中
頻喪渡瀘師毒草殺漢
馬張兵奪秦旗至今西洱
河流血擁僵屍將無七

擒畧魯女惜園葵咸陽天下
極系歲人不足雖有
數斗酒不如一杯粟賴得賢
宰衡持鈞慰風俗四
顧無所用辭家方求歸霜
驚壯士髮淚滿逐臣衣
以此不安席蹉跎身世違
終當滅衛謗不受魯人
譏

古風

李 白

羽檄如流星虎符合專城
喧呼救邊急羣鳥皆夜
鳴白日照紫微三公運權
衡天地皆得一澹然四
海清借問此何爲答言楚
徵兵渡瀘及五月將赴

雲南征

送李宓雲南伐蠻

儲光羲

昆明濱滇池，蠢爾敢逆常。
天星耀鉞鎖，弔彼西南方。
總宰統元戎，太守齒軍行。
囊括千萬里，矢謨在廟堂。
耀耀金虎符，一息到炎荒。
蒐兵自交趾，芟舍出瀘陽。
羣山高嶽岩，淩越如鳥翔。
封豕驟跼伏，巨象遙披攘。
廻溪深天淵，揭厲踰舟梁。
玄武掃狐域，蛟龍除方良。
雷霆隨神兵，礪礪動穹蒼。
斬伐若草木，繫縲同豕羊。
除醜飲瀾河，啁啾亂行藏。
君子惡

薄險王師恥重傷
廣車設置梁太白
收光芒邊吏
靜縣道新書行
紀綱劍閣掉勒
歸武弁朝建章
龍樓加命服獬豸
擁秋霜邦人頌靈
旗側聽河泮泮
京觀在七德休哉
我神皇

賀李宓伐蠻歸詩

高適

聖人赫斯怒詔伐
西南戎肅穆廟堂
上深沉節制
雄遂令感激士得
建非常功料死不
料敵顧恩寧
顧終鼓行天海外
轉戰蠻獠中梯巘
近高鳥穿林
經毒蟲鬼門無歸
客比戶多南風蜂
蠆隔萬里雲

雲南府志 卷之三
雷隨九攻長驅大浪破
懸軍垂欲窮精誠動白日噴薄連蒼穹
野食掘田鼠晡殮兼熨僮收兵列亭堠
拓地彌西東臨事耻苟免履危能餽
躬將星猶照耀邊色何溟濛瀘水
夜可涉交州今始通歸來長安道
名見甘泉宮廉藺若未死孫吳知音
同相逢論意氣慷慨謝深衷

送哀滋持節冊南詔

權德輿

西南使星去遠徼通朝聘煙雨
熨道深塵幢漢儀盛途經五尺險
水愛雙流淨上國洽恩波外臣遵

禮命離亭駐紫驪且盡尊中聖

元

碧雞山

鄭衍

中慶西南來有山勢雄奕屏開障大荒壁立數子

尺晴巒疊奇峰幽壑藏怪石清風響松濤老樹森

毛戟俯瞰滇池水仰羣雲山碧山靈得異境廟貌

存古跡君侯本世家奉詔平叛逆茲承寵光行山

迎馬首懌鎮遏良有謀煙瘴似永釋從此邊陲寧

殊勲書竹帛

雲南府志
卷之三
滇池

喬堅

滇水不可涉石戢參嵯峨胡能宅蛟龍但可藏
鼉鼉渚風蕩驚湍乃爾泥滓多我欲澄其源應自崑
崙阿才謬諒靡救臨流將柰何商山紫芝曲漁父
滄浪歌斯人久不作千載無清波

明

登太華蘭若

布衣郭文
昆明人

夕陽滿秋山餘景落滇水捨舟事幽探路入泉聲
裏風傳隔樹鐘葉響登山屢嗟我久紅塵遊賞從

茲始

又

抗策登危岡前顧路猶緬隔溪聞清磬興興飛雲
遠谷轉泉聲長苔深石徑軟行行如珠林塵累不
煩遣

太華秋曉

郭文

峩峩蓮華峰孤倚青天表影落昆明寒氣吞金碧
小松杉積古翠溪谷鬱深窈泉鳴萬壑秋嵐霽千
岩曉中有青蓮宮軒然出林杪鐘梵遠悠揚天香

時縹緲緇素旣駢臻神龍亦旋繞無著與天親于
焉人藏寶歟起慰輿情傳衣任斯道高據後倪床
萬里入論討坐令祇樹秋變此陽春杲山勢彌增
崇湖光益精澈嗟予尙風慕柰茲塵務擾擬效陶
淵明相從此投老

春日遊盤龍山

解元 唐堯官 晉寧人

晨遊越郊垌鬱鬱龍山樹春風扇微和暇日聊游
豫麥隴秀新苗溪橋烟雙鷺崎嶇蓮社行彷彿桃

源路幾源澄我心石梁開予步况復臨前壑松蘿

儼韶濩幻作三嵯觀若與七聖遇奇峰翠欲滴福
地金曾布空悲愛網牽願解慈航渡濁酒瀉瓊卮
遙空飛玉兔鳩杖且須停睠此遺塵慮

明月石

唐堯官

西南盛招提岑翠惟螺峰捫蘿路詰屈陟蹙臨蒼
穹雲中仙梵響大士殿益崇山茶燦如錦松栢翠
煙籠夕景色已收明月升其東秀出一片石光彩
照寵從賓主坐相酬子夜曲未終下方城郭近歸
騎且從容

雲南府志
卷六十三
謁二忠祠

夏言

朝出南城門望見城南祠含悽眺田野灑淚升堂
基棟宇何嵯峩松栢森前墀言念二君子皎皎雙
玉枝聖皇啓初運元孽據滇池御命屬後先仗節
死一時義氣動殊俗英聲動邊陲列聖眷明德憲
臣繼陳詞褒揚錫異典記述磨穹碑余奉萬里役
弭節昆明涯弔往有深蹙感今重遐思道消仁義
捐俗降節槩虧洵濤蕩激中見此千仞崖疾風轉
高蓬勁草終弗移斯人从徂謝俎豆光陸離榮名

豈終極天柱奚足悲

本朝

弔富民烈婦謝氏

按察使許纘曾

滇南有烈婦名貫秋霜筠邦人爲予言大義淩青
旻少小事夫壻同德諧良辰何期九微作哀飈忽
揚塵摧桐格儔侶虎落聲信信明星爛井野照此
幽蘭綬束身秉其烈勁節生嶙峋白刃懸在手化
碧塞河湔曦暘澹無色黃雲崩城闔長風從此逝
啼鵲血淚新古道直於髮委蛇多逡巡舉世稱兒

雲南府志
卷之三
郎不及蒙華巾一朝旣引決之死無苦辛流馨薄
彤管淑節遺千春馬鬣鳴長松皓月棲明禋華山
高仞崖髣髴留丹珉

環雲巖

督學
吳自肅
山東

有奇不終闕時至則事起天運與人心相乘難自
已此洞關當年未許窺終始云胡延至今乃得遇
知己鑿石見雲根虛靈出妙理雜植以亭臺點綴
巖壑笑朝看葱嶺煙暮聽螳川水旣已栽蕙蘭還
宜培桃李或曰追蘭亭或云媿錦里我來值秋深

紅黃滿樹裏感茲愜素心臨風頻徙倚忽然念遭
逢爲山聊誌喜

端午後四日泛舟螳螂川遊環雲巖至雲濤

寺小憩同韜汝弟賦

知府丁

燿

螳川何逶迤淵淪遶城郭理權沿芳湄薰風散蘅
若疊堰障翻車激蕩灘聲作方舟逶迤波快若魚
縱壑突兀虎丘山精藍翳松杵馳目失攀躋扣舷
徒倚薄石淙尚潺湲名賢久寂寞蘿薜易簪纓終
古怨猿鶴微雨挾山嵐蓊然空翠落心識老龍窩

雲南府志
卷之三
歎沫出齟齬未覺沾濕非祇益冥搜樂褰衣就高
崖境幽神則廓古洞開環雲玲瓏謝雕鑿往昔委
荆蓁芟除見弘綽想見開闢人神功變廬霍旋折
逕屢迷臨眺心愈愕方亭冠層阿憑欄憂趾錯藉
草欣綠蕤寒葩炫丹萼披襟俯洪流塵慮資漑淪
忽起嘉遯心結茅侶猿攬朝夕玩雲濤山僧應許
諾

徵元門落成喜以紀勝

知州蔣廷銓

長洲人

天道有盈虛人事多往復智者任自然俯仰樂清